

docriver 文川网
入驻商家 古籍书城
在文川网搜索古籍书籍 获取更多电子书

中國方志叢書·華北地方·第二〇八號

據

清·鄭德樞修趙奇齡等纂
清·光緒十四年刊本

影印

陝西 省

永壽縣志



5678/18

成文出版社有限公司印行



中國方志叢書·華北地方·第三〇八號

據

清·鄭德樞修趙奇齡等纂
清·光緒十四年刊本

影印

陝西 省

永壽縣志



成文出版社有限公司印行



10098745

中華民國五十九年 月壹一版

永壽縣志

全二冊

發行人：黃 成 助

出版者：成文出版社有限公司
台北郵政信箱二二六〇五號

台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

天
地
人
三
才
并
立

天
地
人
三
才
并
立

光緒戊子八月
開雕板存縣署

永壽縣重修新志序

修志之弊在於濫偏於簡濫則不實簡則
不詳况夫地輿山川疆域沿革古蹟人物
攷之典籍郡邑諸乘稽古禮今庶可總修
永壽縣志始於康熙七年前令張君纂修
後於乾隆五十六年前令蔣君續修合摺
方志之法貴因而不貴創信載籍而不信
傳罔博攷旁稽義歸一是迄今九十餘年

其中兵燹荒旱不惟志板無存而地方興
廢之異滄桑之變賦役戶口與昔別殊方
今承平久沐

聖化減徭釐契法素頻頒歲乙酉冬予奉
檄宰斯土甫下車採風問俗百廢粗修詢
及邑乘僅存殘率時邑士大夫有議興修
奈兵燹之餘元氣未復地瘠差煩官民交
困因籌費而中輟蒞茲三載邑諸士趙奇

齡等因請重修予不敏度非篤實中正才
淺兼備不敢珥筆以從事竊幸張志導其
先蔣志踵於後其條理之詳搜采之允迥
絕後來者所能及是以悉仍其舊增以採
輯遺者補之繁者簡之誤者考之訛者正
之彙纂成帙而九十年中事跡之新增者
玄取彼骨不失善之滋長之意今乃燦然
明備得邑士分纂之力攷稽實詳爰存之

以待後之君子

光緒十四年歲在戊子仲秋月

知永壽縣事皖涇鄭汝樞南麓

氏序於古幽官廨



永壽縣舊志張序

縣不難於志而難於真志不難於修而難於確蓋志以傳信
非以傳疑猶之史然苟非中正和平識才兼備不敢珥筆以
從事以左邱明之賢昌黎尚議其浮夸江淹謂修史之難無
出於志鄭樵謂志乃憲章所係必老於典故然後能爲此可
見修志與修史同難未可苟焉以行之也更有難者莫難於
滄桑遞易之後按永壽古幽地也讀幽風七月之什何其力
穡赴公敦禮尚義豐亨裕足而民氣和樂乎漢唐而下猶不
失爲先民遺風迨明末寇氛充斥殘燬不下數十年所在皆
哀鴻之感黃鳥之悲屈我

朝龍興定鼎嘉惠元元然草創初定諸如郊原蕪萊已非昔日

之疆域雉堞傾頽已非昔日之城池里甲逃亡已非昔日之
戶口莽榛遍野已非昔日之物產醞釀漸漓已非昔日之習
俗古蹟替凌已非昔日之建置此在留心地方者足迹遍歷
耳目周知必實載其疆域非昔矣然後知當如何又安城池
非昔矣然後知當如何築鑿戶口非昔矣然後知當如何撫
綏物產非昔矣然後知當如何孳息習俗非昔矣然後知當
如何教化建置非昔矣然後知當如何經籍唯如此不任耳
食不落聲響此不特宰是邑者緣志警心緣心出政以思潔
已而寡過以圖起敝而扶衰卽上之

職方獻之

當宁亦莫不因志中之圖書憫地方之凋瘵而思所以生聚教

訓之矣是志者非徒志一縣之事乃立政治民之大本也茲
讀永之舊志有昔之所有今之所無者而仍揚厲之有昔之
所舉今之所廢者而仍鋪張之卽如舊城久廢予正倡捐築
造尚繪圖整齊名曰五里之城卽如布帛蔬菜馬匹驪頭杏
無一有尚載於物產貨類之下卽如鎮市僅存監軍莊稍有
人煙其蒿店常寧店頭平窪底窪等處俱久已廢壞尚紀而
載之居然六鎮之時卽如平窪黑石可鎔爲鐵初不過野老
傳聞猶然紀之以爲實事諸如此類難以枚舉甚非所以爲
傳信之志也邑中諸紳士趙運熙白成彩等蹙然議之因謀
諸余而共較正焉余曰善哉此舉正求真求確之意也太史
公足迹遍天下始成史記言其涉歷之到耳余見聞所及可

以贊一詞余見聞所不及公等其言之如果出於中正和平則不妨斟酌損益之諸紳士唯唯而退不越旬而告成於余予覽之不覺憮然曰此則永壽傳信之志也可以感發人心可以興起善政矣可以上之職方可以獻之

當宁矣其敬梓之毋忽

康熙歲在戊申秋孟知永壽縣事南州張焜西屏氏題於廣壽公舍中

永壽縣舊志蔣序

丙午秋七月余仰膺

簡命作令南幽既下車吏掾循例以縣志進余展卷眎之慨然慕
張大尹之爲賢有司厥功甚偉惜其書猶偏而不備襍而不
醇也當是時

皇朝寶祚方新明季遺黎甫輯張志所論述大率扶衰掇弊之意
居多今

國家重熙累洽

聖

聖相傳

被潤澤而大豐美者一百四十餘年永壽故秦西片壤而

聲教暨訖天下一家烈山漠谷之間隅隅于罔不近

天光順

帝則焉余竊欲掎摭舊聞釐爲新志鋪鴻藻申景鑠以導揚我

大清功德之人人者深而紀實摘華稍殫儒術迂踈之效豈不休

歟顧以簿書郵傳風塵鞅掌弗暇從事編摩未嘗不嘆仕優

則學之非易易事矣王丈半庵爲太倉世胄壯遊關輔嚮

畢制軍秋帆公撫秦時曾延修各縣志書若鄜若藍屋若藍

田皆出其手具才學識三長卓然成一家之言足與宋次道

康對諸山君子鼎峙余昨歲于役乾陵遇於

王刺史念庵公座上刺史亟以志事屬焉廼招致縣署晨夕

商榷間以已見質疑猥承許可閱二載餘而後書成兼綜條

貫䟽通證明一政從前之偏襍是真可謂備且醅者已余愧
不文幸半庵秉良史裁爲吾永壽增色且俾世之覽新志者
知摛華所以紀實

聖朝功德普覃雖區區片壤沫膏咏勤無異通都大邑而余以江
介書傭獲與幽腋蚩氓熙熙然並享

太平之福其龔軒鼓舞當何如哉是爲序

乾隆五十六年歲次辛亥秋八月上澣永壽縣知縣元和蔣
基亦堂氏謹撰

docsriver 文川网
入驻商家 古籍书城

在文川网搜索古籍书城 获取更多电子书

牙壽縣志

卷首

永壽縣舊志趙序

夫志言記也記厥實非徒記厥名也志言傳也傳厥真非徒傳厥
說也乃知名者所以求其實而實者所以永其傳俾後之君子有
所觀感而興起奮發而有爲於以復古垂後率由此志也然時有
古今志亦因之倘不遡本實錄何以考古而信今又何以徵今而
傳後耶余常覽通志永繫古幽國 七月之章男服事乎外女服事
乎內奉上則忠敬老則孝恤幼則慈用力則勤制用則儉此固民
俗之厚實以見先王風化之隆也流風遺俗夫豈云遙永雖非幽
初而古志猶存一修於 侯父母再修於 李父母歷漆沮之墟
觀陶穴之舊曩蹟前徽備於記載亦可謂盛舉矣但細讀之未免
有所因仍兼多粉飾古國待興其意雖云深長乎余竊有議焉永

自明末寇氛流毒焦土寒煙依微於黃沙白草之中荒山古署掩映於遙天落照之際登高遐睎使人有不勝其悽斷者矣嗚呼以昔年之志撫今日之景殆有迥不相肖者焉何以信諸今而傳諸後耶躬逢我

父母張公南州人傑爲漆縣循良下車以來申革闔邑馬差申豁微族荒糧愛民課士善政多端然堂惟置水扇可揚風眞一方再見召伯重沐太和矣永之紳士服其仁慈偉畧識明而學克才卓而德懋余一日相謀而懇請曰 國有情史間有閭史埜有埜史一邑之志卽一邑之史也忍令其有名而無實多訛而失真乎諸如作邑山砦城闕變爲荆棘之銅蛇矣百物凋耗土產變爲空谷之燐火矣戶口蕭條生聚變爲寥落之留星矣石田多蕪原隰變

爲殊方之大荒矣甚至蠻宮傾廢解通籍之半綸市井荒涼杳服
賈之一商名泉壅塞斷惠民之舊澤勝蹟滅沒絕憑弔偉觀約畧
言之以今日之景質當年之志相肖耶不相肖耶幸我

父母開誠布公不以余言爲謬果慨然以訂正爲任更不以余爲
不才而屬筆以釐正焉余雖不敏何敢遜謝但一人寡陋又何敢
獨裁爰及諸同輩以暨諸博士弟子存真滌訛揚美黜濁毫不敢
抒以臆見毫不敢用以塗飾大公至正以昭來許令後之君子一
披圖而慕芳躅者式清節恫荒廢者思興復敦教化者作人文課
農桑者蕃種植從此曠世相感敷政而致治上以贊

朝廷之大化中以備官箴之鑒誠下以起風俗之衰敝一邑之信志
卽一邑之信史也疇謂古幽之風不可復覩於今日耶志成而質

於 公公曰可命梓之嗚呼此志之成非 公之虛懷下詢博諮
廣採何以能若是耶然公之功德所垂當與秦嶺俱高漆水俱長
矣是爲序

峕

康熙七年歲在戊申孟秋之朔邑拔貢生趙運熙謹撰

一永壽縣重修新志凡例

一志中遇有當擡頭處謹遵

定例皆另行頂格其在按語中者亦另行並擡不更出格以符體制

一一州一縣本不應濫載星野然舊志並錄未便芟除今取其稍有關係者餘悉略焉

一城池官廨而歷代故城故治舊志證以方書攷其遺址一一詳錄遺者補之

一山水舊志縷析攷其發源所在及所入之地尙有簡畧加以攷證補遺

一學校前志略今謹恭錄卧碑並從祀先賢先儒隆學校端士風

俾邑無不肖之民士有廊廟之器

一前志之失如職官類傳記其名不稽載籍在乾隆辛亥以前尙多疎漏前後參差無從稽攷今越數十年更難搜求只得照載其名茲於嘉慶元年爲始仿用表式籍隸紀歲按載明晰後之業斯役者有所矜式

一名宦素載職官下未免混淆凡有宦績於職官內載明有傳歷代名宦在職官類後另編一門

一前志選舉頗混備仿表式一會試二鄉試三五貢詳錄無遺科名無混奈科歲之貢年遠難稽只得照舊錄存其名附載吏仕人物歷有傳有記者悉照舊志錄入近時則據採訪冊以明述而不作之意


一列女一門不計存歿合例卽登以勵風化其餘各門人物仍俟論定始登不錄現在者

一新入人物分五里各錄底冊舉報所知以定去取雖搜採稍繁不失善善從長之意

一縣志前無稽攷始於康熙戊申年前令張君輯梓續於乾隆辛亥年前令蔣君重修甫竣調署醴泉逾年回任復輯志餘兩卷靈湫志一卷呂公渠志一卷今並分門採錄庶免繁贅

一殉難男女前任何君詳請 旌卹建立節烈祠今編彙一卷以光幽壤

一碑記詩賦皆另編不附載山川古蹟城池寺觀等下前志門類雖分而條縷不清今分晰明白以爲便覽



志 永

圖 壽

一 且 系

水亭系宗

宗


分野圖

上




分野圖

井宿 八星橫列河中
 靜一星名鉞井邊安兩
 河各三南北正天罇三
 星井上頭罇上橫列五
 諸侯侯上北河西積水
 欲覓積薪東畔是鉞下
 四星名水府水位東邊
 四星序四瀆橫列南河
 裏南河下頭是軍市中
 有一箇野鷄精孫子丈
 人市下列各位兩星從
 東設關即兩星南河東
 左邊九箇彎弧弓一矢
 直射頑狼胸有箇老人
 南極中春秋出入壽無窮



鬼宿 四星冊方似
 水櫃中央白者積屍
 氣鬼上四星是耀位
 天狗七星鬼下是外
 厨六間柳星次天社
 六星弧東倚社東一
 星名天紀




耀位



輿鬼




外厨



天狗

天紀



天社

docsriver 文川网
入驻商家 古籍书城

在文川网搜索古籍书城 获取更多电子书

都邑有志志其地天象不具詳顧在天成象在地成形地之所載莫非天之所覆張志二圖首列分野其說云按禹貢雍州之域天文井鬼班固漢志曰秦爲井鬼之分永壽距省二百五十里井鬼正其分野星也今仍之並附步天歌於頁首偏隅黑子詎足以賅全雍而舉偏見全垂象靡遺縱窺管而弗譏坐井矣爲分野圖一

志 承

固 壽

二 縣